

ԲՈՒՀԻ ՀԵՌԱԿԱ ՈՒՍՈՒՑՄԱՆ  
ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆ

2024

ՀԱՅՈՑ  
ՊԱՏՄՈՒԹՅՈՒՆ

ԹԵՍՏ 1

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: **Թեստ-գրքույկը չի ստուգվում: Ստուգվում է միայն պատասխանների ձևաթուղթը:**

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

1) Ե՞րբ են Հայաստանի տարածքում առաջին անգամ հիշատակվում Մեծ և Փոքր Հայքերը՝ որպես առանձին վարչական միավորներ.

- 1) ք. ա. III դարում
- 2) ք. ա. IV դարում
- 3) ք. ա. V դարում
- 4) ք. ա. VI դարում

2) Ե՞րբ են տեղի ունեցել Աշոտ III–ին թագադրելու հանդիսությունները.

- 1) 961 թ.
- 2) 959 թ.
- 3) 963 թ.
- 4) 964 թ.

3) Ե՞րբ է տեղի ունեցել Փոքր Ղարաքիլիսայի ճակատամարտը.

- 1) 1808 թ. հունիսին
- 2) 1807 թ. հուլիսին
- 3) 1808 թ. մայիսին
- 4) 1807 թ. հունիսին

4) ՀՀ զինանշանի մասին օրենքը հաստատվել է՝

- 1) 1919 թ. մայիսի 28–ին
- 2) 1919 թ. հուլիսի 23–ին
- 3) 1920 թ. մայիսի 28–ին
- 4) 1920 թ. հուլիսի 23–ին

5) Ե՞րբ է իսթական թագավորի և Հայասայի Խուկանա արքայի միջև կնքվել բարեկամության և փոխօգնության պայմանագիր.

- 1) ք. ա. XII դարում
- 2) ք. ա. XIII դարում
- 3) ք. ա. XIV դարում
- 4) ք. ա. XV դարում

6) Ե՞րբ է գահակալել Օշին թագավորը.

- 1) 1308–1322 թթ.
- 2) 1307–1321 թթ.
- 3) 1308–1320 թթ.
- 4) 1320–1342 թթ.

7 Ե՞րբ են Ջեյթունի ինքնապաշտպանության ղեկավարները խորհրդակցություն հրավիրել Ս. Աստվածածնի վանքում.

- 1) 1862 թ. օգոստոսի 29-ին
- 2) 1862 թ. հուլիսի 2-ին
- 3) 1862 թ. օգոստոսի 2-ին
- 4) 1862 թ. հուլիսի 29-ին

8 Ե՞րբ է ՀՀ Գերագույն խորհուրդը Հայաստանը հռչակել անկախ պետություն.

- 1) 1991 թ. սեպտեմբերի 23-ին
- 2) 1991 թ. սեպտեմբերի 2-ին
- 3) 1991 թ. սեպտեմբերի 21-ին
- 4) 1990 թ. օգոստոսի 23-ին

9 Հայոց ո՞ր կաթողիկոսի ձեռնադրմամբ է հաստատվել Հայոց կաթողիկոսական աթոռի սկզբնական ինքնուրույնությունը.

- 1) Հուսիկ Ա
- 2) Հուսիկ-Շահակ
- 3) Սահակ Ա
- 4) Ներսես Ա

10 Որտե՞ղ է Իսրայել Օրին մտել զինվորական ծառայության և ստացել սպայի աստիճան.

- 1) Ֆրանսիայում
- 2) Գերմանիայում
- 3) Իտալիայում
- 4) Անգլիայում

11 Կիլիկիայի հայկական ինքնավարության կառավարությունը գլխավորում էր՝

- 1) Պետրոս Սարաճյանը
- 2) Պողոս Նուբարը
- 3) Միհրան Տամատյանը
- 4) Սարգիս Ճեպեճյանը

12 Ո՞րն է Հայկական լեռնաշխարհի՝ այսօր հայտնի հնագույն պետությունը.

- 1) Միտաննի
- 2) Արատտա
- 3) Ուրարտու
- 4) Էթիունի

13) Հայոց արևելից կողմերում վերականգնված թագավորությունում ո՞ր տոհմից սերող ներկայացուցիչն էր իշխում.

- 1) Հայկազուն–Երվանդական
- 2) Հասան–Ջալալյան
- 3) Մամիկոնյան
- 4) Հայկազուն–Սիսակյան

14) Որտե՞ղ է հրատարակվել «Հնչակ» թերթը.

- 1) Փարիզում
- 2) Մարսելում
- 3) Ժնևում
- 4) Թիֆլիսում

15) Խորհրդային Հայաստանում 1930–ական թթ. որքա՞ն մարդ է բռնաճնշումների ենթարկվել.

- 1) 25 000
- 2) 15 000
- 3) 23 000
- 4) 9 000

16) Սարգսուրի II–ի տերությունը հյուսիսից հարավ ձգվում էր՝

- 1) Սև ծովից մինչև Պարսից ծոց
- 2) Կասպից ծովից մինչև Փոքր Ասիայի կենտրոնական շրջան
- 3) Սև ծովից մինչև Փոքր Ասիայի կենտրոնական շրջան
- 4) Կասպից ծովից մինչև Պարսից ծոց

17) Ո՞վ է ասել հետևյալ խոսքերը.

*«Քեզ պսակում եմ, Մերուժա՛ն, որովհետև դու ձգտում էիր հայոց վրա թագավորելու, և իմ՝ ասպետիս պարտքն է քեզ պսակել իմ հայրերի իշխանության կարգով»:*

- 1) Աշոտ Բագրատունին
- 2) Բագարատ Բագրատունին
- 3) Սահակ Բագրատունին
- 4) Սմբատ Բագրատունին

**18** Ո՞ր փաստաթղթից են ստորև բերված տողերը.  
*Ով «որևէ եղանակով կփորձի պաշտպանել կամ թաքցնել այս կամ այն հային, կճանաչվի հայրենիքի ու կրոնի թշնամի և դրան համապատասխան կպատժվի»:*

- 1) Ջեքի փաշայի հրամանից
- 2) Թալեաթի, Էնվերի և Նազըմի հրամանից
- 3) Աբդուլ-Համիդ II-ի հրամանից
- 4) Թալեաթի, Ջեմալի և Բ. Շաքիրի հրամանից

**19** Գտնել սխալ պատասխանը.  
*Ի՞նչ էր Ստալինի անձի պաշտամունքը:*

- 1) խորհրդային հասարակության մեջ տեղ գտած խիստ բացասական երևույթ, որը հանգեցրեց հասարակության բարոյահոգեբանական մթնոլորտի խեղման
- 2) Ստալինի տեղի և դերի օբյեկտիվ արժևորումը
- 3) Ստալինի դերի խիստ գերազնահատումը, երբ նրան էին վերագրվում ողջ ժողովրդի ջանքերով նվաճված հաջողությունները, ԽՍՀՄ առաջընթացը և հաղթանակները
- 4) խորհրդային հասարակության մեջ տեղ գտած խիստ բացասական երևույթ, որը հանգեցրեց անօրինականությունների, անմեղ մարդկանց հալածանքների ու ոչնչացման

**20** Խալդյան դարպասը հետազայում ի՞նչ է կոչել ժողովուրդը.

- 1) Խալդիի դուռ
- 2) Մենուայի մուտք
- 3) Մհերի դուռ
- 4) Սրբազան մուտք

**21** Թվարկվածներից որո՞նք են 1259 թ. հայ-վրացական հակամոնղոլական ապստամբության պատճառ.

- ա. հարկերի բարձրացումը
- բ. ամրիսպասալար Ջաքարեի թոռան՝ Ջաքարե Ջաքարյանին մահապատժի ենթարկելը
- գ. հայ-վրացական ջոկատները Բյուզանդիա՝ խաչակիրների դեմ պատերազմի ուղարկելու մոնղոլների որոշումը
- դ. հայ-վրացական ջոկատները Եգիպտոս՝ մամլուքների դեմ պատերազմի ուղարկելու մոնղոլների որոշումը
- ե. Հուլավու խանի կողմից Խաչենի տիրակալ Հասան-Ջալալի սպանությունը

- 1) ա, դ
- 2) բ, գ
- 3) ա, բ
- 4) գ, ե

**22** Ի՞նչն է հանդիսացել XIX դարի կեսերին Օսմանյան կայսրությունում մեծ տերությունների ազդեցության տարածման համար պայքարի սրվելու պատճառ.

- 1) Կրետե կղզուն տիրելու համար տարբեր երկրների միջև հակամարտությունը
- 2) Օսմանյան պետությանը պատկանող Կիպրոս կղզուն տիրելու համար ծավալված վեճը
- 3) Երուսաղեմի սուրբ վայրերին տիրելու համար քրիստոնեական տարբեր եկեղեցիների միջև ընթացող վեճը
- 4) բարեփոխումների պահանջով հայ հասարակական–քաղաքական շրջանակների դիմումը

**23** Արցախյան ազատագրական պատերազմի իրադարձությունները դասավորել ժամանակագրական հաջորդականությամբ.

- ա. Պաշտպանության պետական կոմիտեի ստեղծումը ԼՂ–ում՝ Ռ. Քոչարյանի գլխավորությամբ
- բ. Շուշիի ազատագրումը
- գ. Մարտակերտի ազատագրումը
- դ. Լաչինի հաղթական գործողությունները
- ե. Քելբաջարի հյուսիսային մասի և Օմարի լեռնանցքի ազատագրումը

- 1) բ, դ, ա, գ, ե
- 2) գ, բ, դ, ա, ե
- 3) բ, ա, գ, ե, դ
- 4) գ, դ, բ, ա, ե

**24** Թվարկված իրադարձություններից ո՞րն է տեղի ունեցել երրորդը ըստ ժամանակագրական հաջորդականության.

- ա. հռոմեա–պարթևական տասնամյա պատերազմի սկիզբը
- բ. Վաղարշ I Արշակունու՝ Պարթևստանում գահ բարձրանալը
- գ. Արտաշատ քաղաքի ավերումը Կորբուլունի կողմից
- դ. Ներոն կայսեր գահ բարձրանալը
- ե. Վաղարշի և Տրդատի գլխավորած պարթևական զորքի մուտքը Հայաստան և Հռոմամիզդի վտարումը
- զ. Տրդատի հեռանալը Հայաստանից Ատրպատական՝ իր եղբոր՝ Բակուրի մոտ

- 1) դ
- 2) գ
- 3) ա
- 4) զ

**25** Նստավայրերի անունները համապատասխանեցնել հայ թագավորների կամ իշխանների անուններին.

ա. Գող Վասիլ	դ. Օշին
բ. Գագիկ II	ե. Կոստանդին I
գ. Փիլարտոս	

- |          |             |
|----------|-------------|
| 1. Վահկա | 4. Քեսուն   |
| 2. Մարաշ | 5. Լամբրոն  |
| 3. Պիզու | 6. Անավարզա |

- 1) ա-3, բ-4, գ-1, դ-5, ե-6
- 2) ա-3, բ-4, գ-2, դ-5, ե-6
- 3) ա-4, բ-3, գ-5, դ-6, ե-1
- 4) ա-4, բ-3, գ-2, դ-5, ե-1

**26** Կատարել համապատասխանեցում.

<i>Հիմնադրման վայր</i>	<i>Կրթական հաստատություն</i>
------------------------	------------------------------

- |              |                       |
|--------------|-----------------------|
| 1. Վենետիկ   | ա. Ռափայելյան դպրոց   |
| 2. Չմյուռնիա | բ. Մեսրոպյան դպրոց    |
| 3. Կ. Պոլիս  | գ. Մարդասիրաց ճեմարան |
| 4. Կալկաթա   | դ. Կարապետյան դպրոց   |
|              | ե. Սկյուտարի դպրոց    |

- 1) 1-գ, 2-ա, 3-բ, 4-դ
- 2) 1-ա, 2-դ, 3-ե, 4-գ
- 3) 1-ա, 2-բ, 3-ե, 4-գ
- 4) 1-ա, 2-ե, 3-գ, 4-դ

**27** Ընտրել այն շարքը, որը կազմված է միայն ճարտարապետներից.

- 1) Կարո Հալաբյան, Գևորգ Քոչար, Միքայել Մազմանյան, Հովհաննես Զարդարյան, Ալեքսանդր Թամանյան
- 2) Հարություն Կալենց, Ալեքսանդր Թամանյան, Մարկ Գրիգորյան, Հակոբ Հակոբյան, Նիկողայոս Բունիաթյան
- 3) Կարո Հալաբյան, Ալեքսանդր Թամանյան, Գևորգ Քոչար, Արմենակ Մնջոյան, Հակոբ Հակոբյան
- 4) Մարկ Գրիգորյան, Կարո Հալաբյան, Գևորգ Քոչար, Նիկողայոս Բունիաթյան, Միքայել Մազմանյան

**28** Ե՞րբ են մամուլները վերջնականապես գրավել Ադանա և Տարսոն քաղաքները.

- 1) 1360 թ.
- 2) 1335 թ.
- 3) 1369 թ.
- 4) 1373 թ.

**29** Ե՞րբ է Ռուսաստանի կայսրը չեղյալ հայտարարել իր իսկ հաստատած հակահայ օրենքը.

- 1) 1905 թ. փետրվարի 6-ին
- 2) 1905 թ. օգոստոսի 1-ին
- 3) 1905 թ. հունվարի 9-ին
- 4) 1904 թ. հուլիսի 29-ին

**30** Ո՞ւմ ղեկավարությամբ է Լենինականում (Գյումրի) հիմնվել պետական թատրոնը.

- 1) Հրաչյա Ղափլանյանի
- 2) Արմեն Գուլակյանի
- 3) Վարդան Աճեմյանի
- 4) Լևոն Քալանթարյանի

**31** Ո՞ր գավառներն էր Վասպուրականից անջատել և իր թագավորությանը միացրել Գագիկ I-ը.

- 1) Բագրևանդ և Կոզովիտ
- 2) Ծաղկոտն և Արտազ
- 3) Արտազ և Բագրևանդ
- 4) Կոզովիտ և Ծաղկոտն

**32** Ո՞ր մարմինն է ընդունել ստորև տրված որոշումը.

*«Ընդառաջելով ԼՂԻՄ-ի աշխատավորների ցանկություններին՝ խնդրել Ադրբեջանական ԽՍՀ Գերագույն խորհրդին՝ խոր ըմբռնման զգացում դրսևորել Լեռնային Ղարաբաղի հայ բնակչության իղձերին և ԼՂԻՄ-ը Ադրբեջանական ԽՍՀ-ի կազմից Հայկական ԽՍՀ-ի կազմ հանձնելու հարցի դրական լուծմանը»:*

- 1) Լեռնային Ղարաբաղի Ազգային խորհուրդը
- 2) Լեռնային Ղարաբաղի Հատուկ կառավարման կոմիտեն
- 3) ԼՂԻՄ մարզային խորհուրդը
- 4) Հայաստանի Գերագույն խորհուրդը



**33** Հայոց ո՞ր արքայի մահվանից հետո է Հայաստանում տիրող իրավիճակն այսպես պատկերավոր բնորոշել հռոմեացի պատմիչը.

*«Հայերը մնացին առանց թագավորի, անտերունչ»:*

- 1) Տիգրան III-ի
- 2) Տիգրան IV-ի
- 3) Արտաշես II-ի
- 4) Արտավազդ II-ի

**34** Ըստ պատմիչի՝ ո՞ր ճակատամարտի մասնակիցներն են միմյանց քաջալերել հետևյալ խոսքերով.

*«Քաջությամբ մեռնենք մեր աշխարհի և մեր ազգի համար»:*

- 1) Արճեշի
- 2) Արյան լճի
- 3) Ներսեհապատի
- 4) Արձնիի

**35** Ընտրել այն մարմինները, որ նախատեսվում էր ստեղծել արևմտահայերի «Ազգային սահմանադրությամբ».

- 1) Կենտրոնական կոմիտե
- 2) Երեսփոխանական ժողով
- 3) Ազգային բյուրո
- 4) Հատուկ կոմիտե
- 5) Ազգային կենտրոնական վարչություն

**36** Ի՞նչ գործառույթներ էին վերապահված ասպետություն գործակալության ղեկավարին.

- 1) պալատական արարողությունների կազմակերպումը
- 2) թագավորական գանձարանի հսկողությունը
- 3) օտար երկրների դեսպանների ընդունելության կազմակերպումը
- 4) թագավորական պահակազորի հրամանատարությունը
- 5) թագավորական կալվածքների հսկողությունը

**37** Գտնել ճիշտ պատասխանները.

*Վաղարշ II-ի և Մեսպոխիմոս Մներոսի միջև կնքված պայմանագրի արդյունքում՝*

- 1) կայսրը ճանաչեց Վաղարշի իրավունքները Հյուսիսային Միջագետքի վրա
- 2) հռոմեական կայսրը պարտավորվեց գումար վճարել հայոց այրուձիին, որը հյուսիսում իրականացնում էր Կովկասյան լեռնանցքների և մերձակա տարածքների պաշտպանությունը լեռնային ցեղերի հարձակումներից
- 3) Հայաստանը դարձավ «Հռոմեական ժողովրդի դաշնակից և բարեկամ»
- 4) հռոմեական լեգեոնները դուրս բերվեցին Հայաստանից
- 5) Հռոմը օժանդակեց Հայաստանին հոների դեմ պայքարում

38

**Թվարկվածներից որո՞նք են ճիշտ արտահայտում պատմական իրադարձությունների պատճառահետևանքային կապերը.**

- 1) «Արևելյան լեգեոնի» ստեղծման նպատակը ռուսական զորքերի կազմում թուրքերի դեմ պատերազմում հայ կամավորների մասնակցության ապահովումն էր:
- 2) Ռեզոլուցիայի կոմունիզմի շնորհիվ բարելավվեց Խորհրդային Հայաստանի սոցիալ-քաղաքական վիճակը:
- 3) 1918 թ. Կ. Պոլսում կոնֆերանս հրավիրելու համար Գերմանիայի շահագրգիռ լինելու իրական պատճառը Բաթումի պայմանագիրը վերանայելու ձգտումն էր:
- 4) Մայիսյան ապստամբության հետևանքը Հայաստանում խորհրդային իշխանության հաստատումն էր:
- 5) Փետրվարյան ապստամբության հետևանքը հայկական բանակի արքայազն սպաներին ազատ արձակելու և հանրապետություն վերադարձնելու գործընթացի ծավալումն էր:

39

**Տրված պնդումներից որո՞նք են սխալ.**

- 1) Զրադաշտականությունը դուալիստական կրոն էր, այսինքն՝ դրա հետևորդները հավատում էին, որ կան երկու գերագույն աստվածներ՝ չար և բարի:
- 2) Արևի պաշտամունքի գլխավոր կենտրոնը եղել է Բարձր Հայք նահանգի Դերջան գավառի Բագառիճ ավանում:
- 3) Արամեական այբուբենը կազմված էր 22 տառից, գրվել է աջից ձախ:
- 4) Հայոց դիցարանը, ի տարբերություն հունական դիցարանի, բաղկացած չէր ազգակից աստվածներից:
- 5) Հելլենիստական մշակույթը և հունարենը Հայաստանում տարածում գտան գերագանցապես արքունիքում և ավագանու շրջանում:
- 6) Աստվածային գերագույն եռյակի պաշտամունքը բնիկ ուրարտական երևույթ է:

40

**Ո՞ր պնդումներն են արտացոլում «Նոր տետրակ»-ի բովանդակությունը.**

- 1) Կոչ էր արվում հայ երիտասարդներին դուրս գալու օտար բռնակալների դեմ և զենքի ուժով հասնելու ազատության:
- 2) Առաջարկվում էր վերականգնել հայոց թագավորությունը և երկիրը կառավարել բացարձակ միապետի միջոցով:
- 3) Զգուշացնում էր հայ երիտասարդներին հեռու մնալ ապստամբելու գաղափարից:
- 4) Առաջարկվում էր ստեղծել սահմանադրություն և երկիրը կառավարել ժողովրդի ընտրովի ներկայացուցիչների միջոցով:
- 5) Առաջարկվում էր Արցախի մելիքներից մեկին դարձնել Հայաստանի թագավոր:

**41** Իրադարձություններից ո՞րն է խախտում տրված շարքի ժամանակագրական հաջորդականությունը.

- 1) Պերոզի գահակալության սկիզբը
- 2) Գյուտ կաթողիկոսի գահակալության սկիզբը
- 3) Վարդան Մամիկոնյանի դուստր Շուշանիկի նահատակվելը
- 4) Վախթանգ Գորգասալի գահակալության սկիզբը
- 5) պարսից դրածո Վազգեն բդեշխի սպանությունը
- 6) մարզպան Ատրվշնասպի սպանվելը

**42** Իրադարձությունները դասավորել ժամանակագրական հաջորդականությամբ.

- 1) Դժոխք Հրայրի գոհվելը
- 2) հայ-թաթարական (ադրբեջանական) ընդհարումների սկիզբը
- 3) Գելիեգուզան գյուղում ինքնապաշտպանության ղեկավար մարմնի ստեղծումը
- 4) Մկրտիչ Խրիմյանի նախաձեռնությամբ Ռուսաստանում ապրող հայերի պատգամավորական Կենտրոնական ժողովի հրավիրումը
- 5) Թորգոմի «Մրրիկ» խմբի հասնելը Սասուն

--	--	--	--	--

**43** Կատարել համապատասխանեցում.

- Ա. «Տրանսիլվանիա» շոգենավով հայ առաջին հայրենադարձների խմբի ժամանումը Բաթում
- Բ. ՄԱԿ–ի ամբիոնից Կիպրոսի արտաքին գործերի նախարարի՝ Հայկական հարցը քննարկելու մասին արված կոչը
- Գ. ՀԽՍՀ նախարարների խորհրդին առընթեր ներգաղթի կոմիտեի գործունեության դադարեցումը
- Դ. Հայկական համաշխարհային կոնգրեսի բացումը Նյու Յորքում
- Ե. սփյուռքահայերի ներգաղթը դադարեցնելու մասին ԽՍՀՄ կառավարության որոշման ընդունումը

- 1) 1970 թ. հոկտեմբեր
- 2) 1947 թ. ապրիլ
- 3) 1948 թ. սեպտեմբեր
- 4) 1965 թ. հոկտեմբեր
- 5) 1946 թ. հունիս
- 6) 1949 թ. օգոստոս

Ա	Բ	Գ	Դ	Ե

**44** Հեղինակի անունը համապատասխանեցնել իր աշխատությանը.

- Ա. «Բարոսուհիներ»
- Բ. «Անաբախիս»
- Գ. «Պատմություն»
- Դ. «Ժամանակագրություն»
- Ե. «Մեծ մարդկանց մասին»

- 1) Մեթրոդորոս Սկեփսացի
- 2) Մեբեոս
- 3) Ամֆիկրատես Աթենացի
- 4) Էվրիպիդես
- 5) Հիպպոլիտիս
- 6) Քսենոփոն

Ա	Բ	Գ	Դ	Ե

**45** Ստորև տրված պնդումներից յուրաքանչյուրի համար ընտրել՝ «Ճիշտ է», «Միսալ է», «Չգիտեմ» պատասխաններից որևէ մեկը.

- 1) ԼՂՀ Գերագույն խորհրդի նստաշրջանը 1992 թ. հունվարի 8-ին Գերագույն խորհրդի նախագահ է ընտրել Արթուր Մկրտչյանին:
- 2) ՀՀ սահմանադրական առաջին փոփոխություններով վերանայվել է ՀՀ Ազգային ժողովի գերիշխող դիրքը իշխանության ճյուղերի համակարգում:
- 3) Հայաստանի առաջին բազմակուսակցական Գերագույն խորհրդում ամենամեծ խմբակցությունն ուներ Հայոց համազգային շարժումը:
- 4) ՀՀ վարչատարածքային փոփոխություններով նախկին շրջանների միավորման միջոցով ստեղծվել են 9 մարզեր:
- 5) Հայաստանի երրորդ հանրապետությունում բազմակուսակցական համակարգը ներդրվել է անկախության հանրաքվեից հետո:
- 6) Կուսակցությունների վերաբերյալ օրենքը խախտելու ամբաստանությամբ 1995 թ. դեկտեմբերի վերջին կասեցվել է դաշնակցության գործունեությունը:

46

Հասկացությունները համապատասխանեցնել բացատրություններին.

1. ջիհադ
2. գյավուր
3. հայդուկ
4. ֆիդայի

ա. սրբազան պատերազմ

բ. զոհ

գ. չեղլո

դ. անհավատ

ե. հետևակ

- 1) 1-դ, 2-ա, 3-ե, 4-բ
- 2) 1-ա, 2-բ, 3-գ, 4-ե
- 3) 1-ե, 2-ա, 3-գ, 4-բ
- 4) 1-ա, 2-դ, 3-ե, 4-բ

47

Գտնել տերմինների կամ հասկացությունների սխալ բացատրությունները.

ա. Կիլիկյան Հայաստանի բանակում հատուկ տեղ զբաղեցնող հոգևոր-ասպետական կազմակերպություններից մեկը հայտնի էր «Հիվանդախնամների միաբանություն» անունով:

բ. Հայաստանի հարավում՝ Խլաթ կենտրոնով ստեղծված մահմեդական իշխանությունը կոչվում էր Շահ-Արմենների աթաբեկություն:

գ. Պատերազմների ժամանակ գյուղացիներից և քաղաքացիներից հավաքագրվող զինուժը կոչվում էր աշխարհագոր:

դ. Քաղաքներում հարկահանությանը, առևտրին ու արհեստներին, շուկաներին հետևող պաշտոնյան կոչվում էր սպասալար:

ե. Կիլիկյան Հայաստանի արքունի քարտուղարության գործակալության գլխավոր պաշտոնյային կոչում էին կանցլեր:

զ. Սեփական կալվածքները կամովին եկեղեցուն հանձնած և հոգևոր կոչում ընդունած հայ կալվածատերերին անվանել են պարոնտեր:

է. Արևմտյան Հայաստանում ստեղծված կիսանկախ իշխանությունները կոչվում էին մելիքություններ:

ը. Միջնադարում քաղաքի կառավարիչը կոչվում էր շահապ:

- 1) ա, դ, ե
- 2) բ, դ, է
- 3) ա, գ, ը
- 4) բ, գ, է

Ստորև թվարկված պատմական իրադարձությունների պատճառներից և հետևանքներից որո՞նք են ճիշտ.

- ա. Սարդուրի II-ի կողմից Բաբելոնիայի վերանվաճման հետևանքով հայոց աշխարհակալության հարավային սահմանը կրկին հասավ Պարսից ծոց:
- բ. Մենուայի հաղթարշավների շնորհիվ Հայկական լեռնաշխարհի հիմնական մասը միավորվեց մեկ պետության մեջ:
- գ. Մենուայի հաղթարշավների հետևանքով Ասորեստանը թուլացավ և, չկարողանալով այլևս վերականգնել իր դիրքերն Առաջավոր Ասիայում, շուտով նվաճվեց Բաբելոնի կողմից:
- դ. Սարդուրի II-ի կողմից կախյալ թագավորությունները վերացնելու և պետության վարչական միավորներ դարձնելու հետևանքով Վանի թագավորությունը սկսեց անցում կատարել համադաշնային կառավարման համակարգից կենտրոնացված պետության:
- ե. Ռուսա II-ի կողմից Բաբելոնիայի վերանվաճման հետևանքով հայոց աշխարհակալության հարավային սահմանները կրկին հասան Միջերկրական ծովի արևելյան ավազանին:
- զ. Մենուայի հաղթարշավների շնորհիվ Հայկական լեռնաշխարհի հյուսիսային շրջանները թեև մտան Վանի տերության կազմը, սակայն հարկատու չդարձան:
- է. Սարդուրի II-ի կողմից կախյալ թագավորությունները վերացնելու և պետության վարչական միավորներ դարձնելու արդյունքում կառավարման ոլորտում անցում կատարվեց դաշնային կառավարման:

- 1) ա, դ, է
- 2) բ, գ, է
- 3) ա, բ, դ
- 4) գ, է, զ

**49** Տրվածներից որո՞նք Խորհրդային Հայաստանի արդյունաբերացման հետևանքներ չեն.

- ա. Հայաստանն աստիճանաբար ագրարային երկրից վերածվեց արդյունաբերական հանրապետության:
- բ. Կրճատվեց խորհրդահայ մտավորականության և ճարտարագիտատեխնիկական անձնակազմի քանակը:
- գ. Բանվոր դասակարգի քանակը մի քանի անգամ աճեց:
- դ. Այն առաջացրեց բնապահպանական խնդիրներ:
- ե. Հրազդան գետի վրա հիդրոէլեկտրակայանների կառուցումը հանգեցրեց Սևանա լճի մակարդակի իջեցմանը:
- զ. Ստեղծվեցին մի շարք կոմունաներ, արտելներ, սովխոզներ:
- է. Հայաստանի խոշոր եղջերավոր անասունների գլխաքանակը կրճատվեց 30 %-ով:

- 1) ա, դ, է
- 2) բ, գ, է
- 3) դ, է, զ
- 4) բ, գ, է

**50** Տրված իրադարձություններից ո՞րն է տեղի ունեցել հինգերորդը՝ ըստ ժամանակագրական հաջորդականության.

- ա. Արեգ-Միհրի տաճարի կառուցումը Գառնիում
- բ. Երվանդաշատ մայրաքաղաքի հիմնադրումը
- գ. Արևելյան Հայաստանում արքունի գրագրության մեջ պահլավերենի գործածության սկիզբը
- դ. Անտիոքոս I-ի թագադրումը «Տիգրանյան» կամ «Հայկական» թագով
- ե. Արշակ I-ի գահակալության սկիզբը
- զ. Բագարանի դառնալը Հայոց թագավորության հոգևոր կենտրոն
- է. «Բաքոսուհիներ» ողբերգության բեմադրությունը Արտաշատում պարթև արքա Օրոդես II-ի ներկայությամբ
- ը. Տիգրան Մեծի թագադրությունը

- 1) է
- 2) ա
- 3) դ
- 4) է

51

Տրված իրադարձություններից ո՞րն է տեղի ունեցել վեցերորդը՝ ըստ ժամանակագրական հաջորդականության.

- ա. Արծն քաղաքի ավերումը թյուրք-սելջուկների կողմից
- բ. Անիի Բագրատունյաց թագավորության անկումը
- գ. Ռուբեն I-ի կառավարման սկիզբը
- դ. Տաշիր-Չորագետի թագավորության անկումը
- ե. Տուրիլի գորքերի արշավանքը Հայաստան
- զ. Հովհաննես-Սմբատի մահը
- է. Ալփ Արսլանի գորքերի ներխուժումը Հայաստան
- ը. Տայքի միացումը Բյուզանդիային
- թ. սելջուկյան պետության իշխանության հաստատումը Փոքր Ասիայում
- ժ. Բասենի ճակատամարտը թյուրք-սելջուկների դեմ և բյուզանդական ու հայ-վրացական զորքի պարտությունը

- 1) է
- 2) ե
- 3) ա
- 4) ժ

52

Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել վեցերորդը.

- ա. Համիդիե հեծելազորների ստեղծումը
- բ. Մայիսյան բարենորոգումների ծրագրի հանձնումը սուլթանին
- գ. Խանասորի արշավանքը
- դ. Գում Գափուի խաղաղ ցույցը
- ե. Շենիկի գյուղապետ Գրգոյի (Գրիգոր Մոսեյան) տանը ինքնապաշտպանական ժողովի հրավիրումը
- զ. Աղասու նախագահությամբ Զեյթունի ժամանակավոր կառավարության կազմվելը
- է. Սարգիս Կուկունյանի արշավանքը
- ը. Գևորգ Չավուշի ու Անդրանիկի վրեժխնդիր լինելը Բշարե Խալիլից
- թ. Մարաշի փաշայի կողմից Պապիկ Նորաշխարհյան իշխանին Զեյթունի քաղաքագլուխ ճանաչելը
- ժ. Բաբը Ալիի ցույցը

- 1) բ
- 2) ժ
- 3) է
- 4) գ



*Ո՞ր վայրերից են սկզբնավորվում Հայկական լեռնաշխարհի նշանավոր գետերը.*

- |                    |                        |
|--------------------|------------------------|
| 1. Ճորոխ           | ա. Սրմանց լեռներից     |
| 2. Արևելյան Եփրատ  | բ. Ծովք լճից           |
| 3. Արևելյան Տիգրիս | գ. Ծաղկավետ լեռներից   |
| 4. Արևմտյան Եփրատ  | դ. Հայկական Տավրոսից   |
| 5. Արևմտյան Տիգրիս | ե. Խաչափայտի լեռներից  |
| 6. Արաքս           | զ. Ծաղկանց լեռներից    |
|                    | է. Բյուրականի լեռներից |

- 1) 1-է, 2-զ, 3-բ, 4-զ, 5-դ, 6-է
- 2) 1-է, 2-զ, 3-բ, 4-զ, 5-դ, 6-ա
- 3) 1-է, 2-զ, 3-դ, 4-զ, 5-բ, 6-ա
- 4) 1-է, 2-զ, 3-դ, 4-զ, 5-բ, 6-է

Առանձնացնել այն երեք պայմանները, որոնք տեղ են գտել Տիգրան Մեծի և Գողթրձ II-ի միջև կնքված հայ-պարթևական հաշտության պայմանագրում.

- ա. Օսրոյենեն, Ադիաբենեն և Միգդոնիան հետ ստանալու դիմաց Պարթևստանը ճանաչում էր Տիգրան Մեծի գերիշխանությունը:
- բ. Հօգուտ Հռոմի՝ Հայաստանը հրաժարվում էր Մարաստանից և Ատրպատականից:
- գ. Պարթևստանը վերադարձնում էր Հայաստանից խլած Յոթանասուն հովիտները:
- դ. Պարթևների արքան կորցնում էր «արքայից արքա» տիտղոսը, որն այնուհետև կրելու էին Տիգրանն ու իր հաջորդները:
- ե. Հռոմի դեմ Պարթևստանի պատերազմելու դեպքում Տիգրան Մեծը խոստանում էր օգնական ուժեր տրամադրել Գողթրձ II-ին:
- զ. Հօգուտ Հայաստանի՝ պարթևները հրաժարվում էին Հյուսիսային Միջագետքից և Մարաստանից:
- է. Կողմերը միացյալ ուժերով հարձակվելու էին Ատրպատականի վրա, որի տարածքը ստանալու էր Հայաստանը, իսկ շարժական գույքն ու բնակչությունը՝ Պարթևստանը:

- 1) գ, դ, է
- 2) ա, է, գ
- 3) գ, դ, գ
- 4) բ, է, է

Թվարկված եկեղեցիներից որո՞նք են կառուցվել VII դարում.

- ա. Մրենի
- բ. Գայանե
- գ. Զվարթնոց
- դ. Ս. Էջմիածին
- ե. Ավանի
- զ. Ծիծեռնավանքի
- է. Արուճի Ս. Գրիգոր

- 1) բ, դ, ե, գ
- 2) ա, գ, ե
- 3) գ, դ, է
- 4) ա, բ, գ, է

Թվարկվածներից որո՞նք են տեղ գտել Մովսես Սարաֆյանի կողմից ներկայացված Հայաստանի ազատագրության ծրագրում.

- ա. Հերակլ II–ը պետք է օժանդակեր ռուսական զորքին՝ գրավելու Երևանի խանությունը՝ զինվորներ ուղարկելով և գահընկեց անելով իրենից կախման մեջ գտնվող Երևանի խանին:
- բ. Հերակլ II–ը պետք է Վրաստանում կատարեր երկիրը հզորացնող բարեփոխումներ, որպեսզի օգնություն ցուցաբերեր հայ ժողովրդի ազատագրական պայքարին:
- գ. Ռուսաստանում բնակվող հայերից ու վրացիներից կազմված կամավորական ջոկատները, որոնց հրամանատարը պետք է լիներ հայազգի և ենթարկվեր ռուսական բանակի հրամանատարությանը, ռուսական զորքերի հետ ուղարկվելու էին Վրաստան:
- դ. Հակաթուրքական պայքարի մեջ պետք է ընդգրկվեին Արցախի մելիքները՝ նրանց տրամադրելով զենք և ռազմական հանդերձանք:
- ե. Ազատագրված Հայաստանը պետք է հռչակվեր հանրապետություն՝ պառլամենտական կառուցվածքով:
- զ. Թուրքիայի դեմ արշավանքը պետք է կատարվեր երկու ուղղություններով:
- է. Հայաստանի թագավոր պետք է հռչակվեր Ղարադաղի մելիքներից մեկը:

- 1) ա, գ, դ
- 2) բ, գ, է
- 3) ա, գ, է
- 4) բ, դ, է

**57** Կատարել համապատասխանեցում.

*Հեղինակ*

- |                     |                      |
|---------------------|----------------------|
| 1. Արամ Խաչատրյան   | 4. Արտաշես Հովսեփյան |
| 2. Սարգիս Մուրադյան | 5. Նաիրի Զարյան      |
| 3. Համո Բեկնազարյան | 6. Մինաս Ավետիսյան   |

*Ստեղծագործություն*

- ա. «Անլռելի զանգակատուն» պոեմի պատկերազարդում
- բ. «Ալեքսանդր Թամանյան» արձան
- գ. «Սպարտակ» քալետ
- դ. «Ծնողներս» կտավ
- ե. «Պեպո» կինոնկար
- զ. «Կոմիտասի վերջին գիշերը» նկարաշար
- է. «Արա Գեղեցիկ» ողբերգություն

- 1) 1-գ, 2-է, 3-դ, 4-ե, 5-զ, 6-ա
- 2) 1-զ, 2-գ, 3-ե, 4-բ, 5-է, 6-դ
- 3) 1-է, 2-զ, 3-բ, 4-ե, 5-ա, 6-դ
- 4) 1-զ, 2-է, 3-դ, 4-բ, 5-զ, 6-ա

**58** Գտնել սխալ պատասխանները:  
*Օտարների կողմից Հայաստանն անվանվել է՝*

- 1) Հարմինույա
- 2) Արմինա
- 3) Հայք
- 4) Ուրարտու
- 5) Բիայնիլի
- 6) Սոմխեթի
- 7) Հայաստան

**59** Ընտրել ԽՍՀՄ-ում 1930-ական թթ. կեսերին հաստատված ամբողջատիրական համակարգի բնորոշ գծերը.

- 1) երկկուսակցական համակարգի հաստատումը
- 2) իշխանության երեք ճյուղերի իրական տարանջատումը
- 3) միակուսակցական համակարգի հաստատումը
- 4) ընդդիմության առկայությունը խորհրդարանում
- 5) իշխանության բռնազավթումը ՀամԿ(բ)Կ կողմից
- 6) իշխող կուսակցության ներսում ընդդիմության վերացումը
- 7) գաղափարախոսական բազմակարծության թույլատրումը
- 8) եկեղեցու նկատմամբ անհանդուրժողական քաղաքականությունը

60

**Ընտրել սխալ պատասխանները.**

*Արևմտահայերի առաջին համագումարի գործունեության արդյունքում՝*

- 1) Ընդունվեց որոշում հայկական մարզերի տնտեսության վերականգնման վերաբերյալ:
- 2) Ընդունվեց որոշում օրենսդիր մարմին՝ Ազգային ժողով ստեղծելու մասին:
- 3) Ընդունվեց որոշում հայրենիքում արևմտահայերի վերաբնակեցման վերաբերյալ:
- 4) Ընդունվեց որոշում Հայաստանում ազգային վարչություն կազմակերպելու մասին:
- 5) Ընդունվեց որոշում Այսրկովկասում ինքնակառավարման մարմինների հաստատման մասին:
- 6) Ընդունվեց որոշում Ռուսաստանում եղած արևմտահայ ռազմագերիներին ազատ արձակելու մասին:
- 7) Ընդունվեց որոշում արևմտահայ գորաբաժին ստեղծելու մասին:
- 8) Ընդունվեց որոշում փախստականներին օգնելու մասին:

61

**Թվարկվածներից որո՞նք են պատմական իրադարձությունների իրական պատճառահետևանքային կապեր.**

- 1) Մծբինի հաշտության հետևանքը Հյուսիսային Միջագետքում Պարթևների դիրքերի թուլացումն էր:
- 2) Ժառանգական նախարարական խոշոր հողատիրության աճի հետևանքով թագավորական հողատիրությունը կրճատվում և ամփոփվում էր Միջնաշխարհում գտնվող ոստանում:
- 3) Խաղխաղի ճակատամարտի հետևանքը պարսից զորավար Միհրանի քսանհազարանոց զորքի պարտությունն էր:
- 4) Ջաբելի և Հեթումի ամուսնությամբ վերջապես լուծվեց Կիլիկյան Հայաստանի գահակալության խնդիրը, և հիմք դրվեց Հեթումյանների արքայատոհմին:
- 5) Հայ-վրացական զինակցության արդյունքում սելջուկների լծից ազատվեցին Հայաստանի կենտրոնական ու հարավային շրջանները:
- 6) Հովհաննես Բ Գաբեղենացի կաթողիկոսի՝ Տիգրան մեկնելու պատճառը Խոսրով II-ի գումարած ժողովին մասնակցելն էր:
- 7) Թեոդորոս Ռշտունուն ազատ արձակելու պատճառը Հայաստանը Բյուզանդական կայսրության ոլորտում պահելն էր:
- 8) IX դարի վերջին Խլաթի ամիրայի՝ Հայաստան ներխուժելու պատճառը հայ-բյուզանդական 893 թ. կնքված պայմանագիրն էր:
- 9) Անիի Բագրատունիներին ենթակա թագավորությունների առաջացման պատճառներից էին ավատատիրական մասնատվածությունը և իշխանների կենտրոնախույս ձգտումները:

**62** Ստորև բերված պնդումներից որո՞նք են սխալ.

- 1) Բագրատունյաց Հայաստանում պետության գլուխ կանգնած էր թագավորը:
- 2) Բագրատունյաց բանակը կազմված էր արքունական և սակրավորների զնդերից:
- 3) Բագրատունյաց թագավորն ինքնակալ միապետ էր և անձամբ էր լուծում պետության գործերը:
- 4) Բագրատունի թագավորների գահը ժառանգում էր ավագ որդին, հաճախ նաև եղբայրը:
- 5) Թագավորը կարող էր խորհրդակցել սպարապետի, կաթողիկոսի, իշխանաց իշխանի կամ այլ մեծամեծ պաշտոնյաների հետ:
- 6) Երկրի ներքին և արտաքին բոլոր հիմնական հարցերը վճռում էր իշխանաց իշխանը:
- 7) Փոքր գործերի դատավարությունը կատարվում էր եկեղեցական ժողովների մշակած կանոններով ու սովորության իրավունքով:
- 8) Բագրատունյաց մշտական բանակը պատերազմի ժամանակ համալրվում էր, և թվակազմը հասնում էր մինչև 70 հազարի:

**63** Ստորև բերված փաստարկներից որո՞նք են ճիշտ.

- 1) 1914 թ. ապրիլին Վեստենենկը նշանակվել է Էրզրումի, Տրապիզոնի և Սեբաստիայի նահանգներն ընդգրկող մասի տեսուչ (նստավայրը՝ Տրապիզոն), իսկ Հոֆը՝ Վանի, Բիթլիսի, Խարբերդի և Դիարբեքի ի նահանգներն ընդգրկող մասի տեսուչ (նստավայրը՝ Բիթլիս):
- 2) 1914 թ. աշնան վերջին ռուս-թուրքական պատերազմի ճակատային գիծը Բաթումի մոտից հասնում էր մինչև Ուրմիա լճից արևելք ընկած վայրերը՝ կազմելով 720 կմ:
- 3) 1915 թ. հունվարի 5-ին երիտթուրքական կառավարությունը օրենքով արգելել է կայսրության քաղաքացիների մուտքն ու ելքը տերությունից:
- 4) Վանի նահանգապետ Ջևդեթ փաշան 1915 թ. փետրվարին սպանել է տվել Իշխանին և Վռամյանին:
- 5) 1915 թ. փետրվարի 25-ի հրամանով օսմանյան բանակում ծառայող հայերին արգելվել է նշանակել հրամանատարական պաշտոններում, ծառայել ռուս-թուրքական ճակատային գծում:
- 6) 1916 թ. մայիսի 15-ին Դիլմանի ճակատամարտում հերոսի մահով զոհվել է 4-րդ ջոկատի հրամանատար, նշանավոր հայդուկ Քեոին:
- 7) Հայոց ազգային համախորհրդակցությունը գումարվել է Երևանում 1917 թ. սեպտեմբերի 29-ից մինչև հոկտեմբերի 13-ը:
- 8) 1918 թ. մայիսի 16-27-ը Շիրակում՝ Սոցյությունի (Սառնաղբյուր) ճակատում, հայկական ուժերը հաղթական կռիվներ են մղել թուրքերի դեմ:

### Ստորև տրված պնդումներից որո՞նք են ճիշտ.

- 1) Գևորգ Ե կաթողիկոսը միաբաններին ուղղված կոնդակով դատապարտել է Էջմիածինը «քանդող» խորհրդային իշխանության քաղաքականությունը:
- 2) Համատարած կոլեկտիվացման տարիներին գյուղ էին մեկնել բանվորական խմբեր, որոնք լուծարեցին հարկադրաբար ստեղծված կոլտնտեսությունների մի մասը:
- 3) 1920-ական թթ. միջկուսակցական և ներկուսակցական պայքարն ավարտվել է ստալինյան ղեկավարության բացարձակ իշխանության հաստատմամբ:
- 4) Նեպին անցնելու առաջին միջոցառումներն իրականացվել են արդյունաբերության ոլորտում:
- 5) Գյուղատնտեսության կոլեկտիվացումը պլանավորված էր սկզբում ավարտել ԽՍՀՄ-ի անասնապահական շրջաններում:
- 6) Գյուղացիական տնտեսությունները հարկադրաբար կոլեկտիվացնելու միջոց էր նրանց նկատմամբ պետության կողմից հարկերի ավելացման քաղաքականությունը:
- 7) 1926 թ. Գևորգ Ե կաթողիկոսը կոնդակով դիմեց բոլոր միաբաններին՝ դատապարտելով «Քրիստոնեական եկեղեցական եղբայրության» կամ «Նորացված եկեղեցի» կազմակերպության պառակտիչ գործունեությունը:
- 8) Լենինգրադի կուսմարզկոմի առաջին քարտուղար Ս. Կիրովի սպանությունը Ստալինն օգտագործեց իր նախկին զինակիցներից ազատվելու համար:

### Ո՞ր իրադարձություններն են խախտում տրված շարքի ժամանակագրական հաջորդականությունը.

- 1) Պապի վերադարձը Հայաստան՝ Տերենտիոսի գլխավորած գորաջոկատով
- 2) Մուշեղ Մամիկոնյանի դառնալը հայոց սպարապետ
- 3) Պապի հրամանով հայոց զորքերի հավաքվելը Ձիրավի դաշտում
- 4) Ձիրավի ճակատամարտի սկիզբը
- 5) Մուշեղ Մամիկոնյանի ամբաստանվելը Պապի առջև
- 6) Մերուժան Արծրունու ձերբակալությունը և մահապատիժը
- 7) Շապուհ II-ի զորքերի ջախջախումը Գանձակի մոտ և խաղաղության վերականգնումը Հայաստանում
- 8) Ատրպատականում Շապուհ II-ի գանձարանին և կանանոցին տիրանալը հայերի կողմից
- 9) Պապ թագավորի փախուստը ծուղակից և վերադառնալը Տարսնից Հայաստան

**66** Իրադարձությունները դասավորել ժամանակագրական հաջորդականությամբ.

- 1) Դրոյի ջոկատի կողմից Խնուսի գրավումը
- 2) հայկական ջարդերի կապակցությամբ Մեծ Բրիտանիայի, Ռուսաստանի և Ֆրանսիայի հանդես գալը բողոքի հայտարարությամբ
- 3) Սարիղամիշի ճակատամարտի ավարտը՝ թուրքական բանակի ջախջախվելը
- 4) Արամի նշանակվելը Վանի նահանգապետ
- 5) Համագասպի ջոկատի կողմից Խիզանի գրավումը
- 6) անգլո-ֆրանսիական ռազմական ուժերի իրականացրած Դարդանելի գործողության ավարտը
- 7) հայկական կամավորական առաջին չորս ջոկատների ձևավորման ավարտը

--	--	--	--	--	--	--	--

**67** Իրադարձությունները դասավորել ժամանակագրական հաջորդականությամբ.

- 1) Երկրորդ աշխարհահամարտի ավարտը
- 2) Լ. Բերիայի ձերբակալումը
- 3) Նվեր Սաֆարյանի նշանակվելը Հայկական 89-րդ հրաձգային դիվիզիայի հրամանատար
- 4) խորհրդա-գերմանական չհարձակման պայմանագրի ստորագրումը
- 5) Սուրեն Թովմասյանի ընտրվելը ՀԿԿ կենտկոմի առաջին քարտուղար
- 6) Մեծ տերությունների ղեկավարների Պոտսդամի կոնֆերանսը
- 7) Հայրենական մեծ պատերազմի ավարտը

--	--	--	--	--	--	--	--

**68** Կատարել համապատասխանեցում.

- Ա. Բագրատունիների արքունիքը Կարս տեղափոխած արքան
- Բ. Անիի Կաթողիկե եկեղեցու ճարտարապետը
- Գ. Գառնիում փոքր գորաջոկատով Բեշիրի զորքերին պարտության մատնած իշխանը
- Դ. Մասուն–Խույթ գավառում VIII դ. կեսի ապստամբության ղեկավարը
- Ե. Կարսի մատույցներում սելջուկների առաջնորդ Տուղրիլի մերձավորին վիրավորած հայ հերոսը
- Զ. անհնազանդության պատճառով իր հողերից զրկված և «Անհողին» մականունը ստացած Տաշիր–Չորագետի արքան

- 1) Գևորգ
- 2) Գագիկ
- 3) Տրդատ
- 4) Դավիթ
- 5) Հովհան
- 6) Աբաս
- 7) Թաթուլ

Ա	Բ	Գ	Դ	Ե	Զ	Է

**69** Գործիչների անունները, ըստ նրանց պատկանելության, համապատասխանեցնել կազմակերպությունների անվանումներին.

- Ա. Կադետների կուսակցություն
- Բ. «Հայ հեղափոխականների դաշնակցություն» կուսակցություն
- Գ. «Պաշտպան հայրենյաց»
- Դ. «Միություն ի փրկություն»
- Ե. Հնչակյան կուսակցություն
- Զ. Արմենական կուսակցություն
- Է. «Բարենպատակ ընկերություն»

- 1) Խաչատուր Մալումյան
- 2) Պետրոս Հայկազունի
- 3) Մկրտիչ Ավետիսյան
- 4) Հակոբ Կալոյան
- 5) Գրիգոր Արծրունի
- 6) Արփիար Արփիարյան
- 7) Միքայել Պապաջանյան
- 8) Կարապետ Նշկյան

Ա	Բ	Գ	Դ	Ե	Զ	Է



Ստորև տրված պնդումներից յուրաքանչյուրի համար ընտրել՝ «Ճիշտ է», «Միայն է», «Չգիտեմ» պատասխաններից որևէ մեկը.

- 1) Համահայկական առաջին թագավորության հզոր և կատարյալ մշակույթն իր բազմաբնույթ ազդեցությունն է տարածել Հայաստանից դուրս՝ հասնելով Կովկաս, Իրան, Հունաստան և այլուր:
- 2) Մեծ Հայքի Արշակունիների թագավորության անկումը համապատասխանում է բուն հելլենիզմի ավարտի ժամանակաշրջանին:
- 3) Վաղ միջնադարում ծառայող ազնվականության մասնավոր տնտեսությունների ընդլայնումն ի հաշիվ գյուղական համայնքների գնալով խորանում էր՝ սկիզբ դնելով պետական հողատիրության մասնատմանը մասնավոր սեփականատիրական կալվածքների՝ ավատների:
- 4) Հայոց մեծ թվականի սկիզբ է համարվել 1084 թվականը:
- 5) Սյունի, Կադմեա և Գուգարաց նախարարները համարվում էին բյուրավորներ:
- 6) Հայ առաքելական եկեղեցու առաջնորդական աթոռները, մինչև Գրիգոր Լուսավորչի կողմից Հայոց եկեղեցու նվիրապետության հաստատումը, Արտագում, Եղեսիայում և Սյունիքում էին: